

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademik.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademik untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



LAPORAN TALK SESSION: KNOW YOUR FUTURE PATH

Fatin Farazh Ya'acob, Nur Fatihah Shaari, Aidarohani Samsudin

Pada 24 Jun 2025, Dewan Kuliah Jauhari UiTM Cawangan Johor bergema dengan semangat mahasiswa apabila Persatuan Diploma in Banking Association (DiBA) menganjurkan program *Talk Session: Know Your Future Path*. Program ini bertujuan memberi pendedahan awal kepada para pelajar tentang perjalanan akademik dan kerjaya, sekaligus membangkitkan motivasi untuk merancang masa depan dengan lebih yakin dan terarah.

Majlis dimulakan dengan penuh rasa kebersamaan melalui nyanyian lagu kebangsaan Negaraku dan UiTM Di Hatiku, dituruti bacaan doa bagi memberkati perjalanan program. Kehadiran penasihat DiBA, Dr. Nur Fatihah Shaari dan Dr. Fatin Farazh Ya'acob, serta penceramah jemputan Encik Mohd. Khairul Ariff Noh telah menyerikan lagi suasana malam tersebut.

Sorotan utama ialah sesi perkongsian oleh Encik Mohd. Khairul Ariff yang dipandu moderator Muhammad Amirul Adha Soalman. Beliau berkongsi pengalaman berharga mengenai persediaan menghadapi alam pekerjaan, kepentingan membina keyakinan diri serta strategi menetapkan hala tuju kerjaya. Pelajar bukan sahaja menerima input akademik, malah turut didorong untuk berfikir lebih jauh tentang peranan mereka sebagai bakal graduan yang akan menempuh dunia profesional.

Lebih daripada 200 mahasiswa telah hadir dan menunjukkan sambutan luar biasa terhadap program ini. Bagi barisan urusetia Persatuan DiBA yang terdiri daripada 24 orang, kejayaan menganjurkan acara ini menjadi pengalaman berharga dalam membina kepimpinan, memperkukuh kerjasama pasukan dan meningkatkan kecekapan pengurusan program.



Program ini telah memberi kesan mendalam kepada para peserta. Ramai pelajar menyatakan bahawa mereka lebih jelas tentang pilihan pengajian selepas diploma, prospek kerjaya dalam bidang perbankan serta pentingnya merancang langkah seterusnya sejak awal. Sesi ini juga berjaya menanamkan keyakinan bahawa dengan persediaan yang betul, setiap pelajar berpotensi untuk berjaya di peringkat yang lebih tinggi.

Selain itu, pengisian yang bersifat motivasi membantu mahasiswa meningkatkan kesedaran tentang kemahiran insaniah seperti komunikasi, pengurusan masa dan kepimpinan yang merupakan aspek penting yang sering menjadi kelebihan dalam dunia pekerjaan. Dengan itu, impak program ini bukan sahaja bersifat akademik, tetapi juga menyeluruh terhadap pembangunan diri pelajar.

Talk Session: Know Your Future Path membuktikan bahawa pendedahan awal dan bimbingan yang tepat mampu memberi lonjakan keyakinan kepada mahasiswa. Lebih daripada sekadar ceramah, ia adalah satu pengalaman pembelajaran yang memberi inspirasi, membina wawasan dan memotivasikan pelajar untuk merancang masa depan dengan lebih sistematik.

